


太上

洞淵說請雨龍王

元始天尊說大雨龍王

天功護國祈雨消魔

尊經



太上洞淵說請雨龍王經

道藏洞玄部本文類

道言。昔於三天之上。以觀世界。伏見諸天諸地。疫氣流行。人多疾病。國土炎旱。五穀不收。兩兩三三。莫知為計。爾時

天尊。乘五色雲。來臨國土。作大神通。變現光明。與諸天龍王。仙童玉女。七千二百餘人。宣揚正法。普救衆生。大雨洪流。應時甘潤。汝等莫生不信。殃沈九祖。幽魂苦爽。名繫鬼官之中。百劫千生。終無出日。若能勤心受持讀誦。功德深遠。人民無災。各各延壽長年。無

難
去聲

有中傷。

道言國若有難。兵戈競起。人民相食。天地震動。日月
不明。其國但於福德之方。宮苑之內。或有水泉之處。
置九龍之位。立五聖之形。轉念此經。禮

虛皇上帝。鎮國天龍。當得妖氛自滅。兵革不興。君臣
有道。龍德相扶。天下太平。恆居祿位。是時諸仙等衆。
聞此演說。悉皆利益。普潤含靈。俱起作禮。各願受持。
太上洞淵。召諸天龍王。微妙上品。

東方青帝龍王。南方赤帝龍王。西方白帝龍王。北方

宿
秀

藏
去聲

黑帝龍王。中央黃帝龍王。

日月龍王。星宿龍王。龍宮龍王。天宮龍王。天門龍王。
閻羅龍王。地獄龍王。天德龍王。地德龍王。天人龍王。
飛人龍王。蓮華龍王。花林龍王。五嶽龍王。山川龍王。
又加殺鬼龍王。伽羅吞鬼龍王。小吉龍王。大吉龍王。
金光龍王。金色龍王。陽炁龍王。陰炁龍王。醫藥龍王。
獅子龍王。鎮國龍王。鎮宅龍王。錢財龍王。井竈龍王。
金銀龍王。珍寶龍王。庫藏龍王。富貴龍王。五岡龍王。
五穀龍王。金頭龍王。衣食龍王。官職龍王。官祿龍王。

江海龍王。雲海龍王。淮海龍王。山海龍王。淵海龍王。
國土龍王。州縣龍王。城市龍王。靈壇龍王。風伯龍王。
震動龍王。雷雨龍王。大雨龍王。散水龍王。天雨龍王。
道言。告諸衆生。吾所說諸天龍王神咒妙經。皆當三
日三夜。燒香誦念。普召天龍。時旱卽雨。雖有雷電。終
無損害。其龍來降。隨意所願。所求福德長生。男女官
職。人民疾病。住宅凶危。一切冤家。及諸官事。無有不
吉。汝等魔王。及諸邪鬼。若聞此經不去者。頭破作七
分。令絕根本。吾所說此經。所厭者伏。所穰者卻。如有

著
酌

著
酌
藏
去聲

國土。城市鄉村。頻遭天火燒焚者。但家家先書四海龍王名字。安著住宅四角。然後焚香受持。水龍來護。東方東海龍王。南方南海龍王。西方西海龍王。北方北海龍王。各各浮空而來。神通變化。須臾之間。吐水萬石。火精見之。入地千尺。復有大水龍王。主鎮中央。隨方守鎮。掃除不祥。

道言。善男子。善女人。家奉龍王。若能書寫。常安龍處。及著庫藏之中。皆以清水淨果。依時供養。或是月朔月半。祭龍之日。讀誦經文。呼召龍王。家當富貴。無有

虛耗。庫藏盈溢。此經神驗。不可稱量。是時四衆。聞此
演說。歡喜無量。八萬四千龍王。一時踊躍。天地震動。
神龍俱會。大雨洪流。普救衆生。一切天人。同時稱善。
稽首奉行。

太上洞淵說請雨龍王經

終

太上元始天尊說大雨龍王經

道藏洞真部本文類

爾時

元始天尊成就五方國土。若有善男子。善女人。國土成就。與諸大衆。轉讀念誦。是經受持供養。時旱則雨。風來則止。善男信女。隨有國土。其中衆生。受持讀誦。書寫解說。聽受此經者。當知此人。善神法力。常加衛護。何以故。法典之中。有諸聖力。能為衆生。廣開濟度。是時

為
去聲

為
去聲

天尊悉為宣說。

為

去聲

天尊大慈念。普為諸衆生。道言諸功德。微妙難思議。
有求皆應感。甘雨倏然施。勤勤即隨念。萬法皆如斯。
道言男女善人。讀誦書寫龍王經者。為諸大衆之所。
稱讚。若有國土祈雨者。六齋之日。當於淨土。嚴潔灑
掃。燒香供養。禮拜稱善。祈請。

天尊應感。即召龍王。降雨消災。普得甘潤。即說龍王。
名曰。

清淨龍王。大地龍王。法海龍王。妙羅龍王。修吉龍王。
受愛龍王。大海龍王。烈厲龍王。淨目龍王。獅子龍王。

螽聲龍王。金色龍王。金明龍王。黑髮龍王。大雨龍王。
天師龍王。雷電龍王。九江龍王。水帝龍王。翅羅龍王。
娑山龍王。大梵龍王。願受龍王。伊羅龍王。降雨龍王。
恆河龍王。妙法龍王。天華龍王。寶蓋龍王。甘露龍王。
仙真龍王。淨月龍王。非人龍王。有德龍王。天降龍王。
地降龍王。左右龍王。白虎龍王。青色龍王。龍鱗龍王。
尊聖龍王。真聖龍王。閻羅龍王。上帝龍王。黃色龍王。
法門龍王。變化龍王。千萬龍王。諸天龍王。感天龍王。
感地龍王。威德龍王。法身龍王。念經龍王。雨水龍王。

為

去聲

四大龍王。達利龍王。頂拜龍王。大法龍王。妙德龍王。
無上龍王。國主龍王。太上龍王。道德龍王。宣化龍王。
真人龍王。老君龍王。家令龍王。

如是諸龍王。聞是稱善。卽現感通。興騰雲雨。徧灑人
間。救彼焦枯。悉皆生發。免其時害。無損禾苗。川瀆流
通。河源注潤。是經功果。難可稱揚。濟度羣生。有茲聖
力。若有善男子。善女人。能為國界。巡邑方里。遭其旱
涸。時雨愆期。陰陽不調。人民惶恐。當為書寫。嚴淨受
持。請高德法師。建立道場。旛花供養。轉讀此經。當得

稔
審

沴
庚

荷
上聲

上徹。天垂甘露。地涌靈泉。草木滋榮。田疇豐稔。人無
戚憂。歲保乂甯。災沴永消。土地常吉。家門歡樂。福利
無窮。萬善莊嚴。百神敬護。雨澤既足。當發虔心。上荷
通靈。常隨念誦。時諸大衆。聞說是經。喜躍奉行。作禮
而退。

太上元始天尊說大雨龍王經
終

太上天功護國祈雨消魔經

道藏洞真部本文類

爾時

雨
去聲

樂
洛

元始天尊。與諸天大聖。妙行真人。及諸天龍鬼神。天仙飛仙神仙。天童玉女。太上二師。在玉京山說法。廣大濟惠。是時天雨寶花。地皆金色。天尊放大光明。徧照十方無量世界。上至三十六天帝諸宮。下至幽冥無數地獄。悉令普徧。救攝衆生。令得安穩。受諸妙樂。天香普薰。飢餐玉粒。渴飲金漿。餓鬼衆生。皆得飽滿。速得離苦。面見。

治

平聲

種

上聲

難

去聲

天尊。生於長樂界中。常居法會。爾時下方有一真人。
名曰月光。乘白鶴。手執玉英。來至法會。整理衣冠。恭
敬禮拜。長跪稽首。白

天尊言。我今修行。欲得救治一切衆生。而無神通。方
便智慧。我見下方閻浮世內。種種諸惡。或被水漂。或
遭火難。或遇饑饉。或有劫賊。或有疫疾。或遇大旱。草
木焦然。五穀不熟。國界不安。人民驚懼。如何救拔。唯
願

天尊廣說方便。救護衆生。令免斯厄。爾時

語去聲
為去聲

難去聲

元始天尊。語月光真人曰。善哉善哉。子今能為大地
衆生。作大利益。至誠救護。我有無量天丁力士。妙行
真人。慈悲真人。玉清真人。皇洞真人。百千萬衆。玉清
童子。二十萬衆。天靈赤官。功曹主簿。長生司馬。韓君
丈人。以百千萬衆。天仙飛仙神仙。二十萬衆。威劍神
王。大力神王。攝毒神王。消魔神王。食邪神王。碎魔神
王。擲火神王。灑水神王。食精神王。收瘟神王。飛仙神
王。百千萬衆。禁戒三師。雲雷百部。常居世間。救諸厄
難。若遇水火。當轉此經。若有劫賊。當轉此經。若遇時

差

瘥同
音磋

疫。當轉此經。若遇炎旱。亦轉此經。國界不安。亦轉此
經。五穀不收。亦轉此經。若能書寫。至心轉讀。獲福無
量。是諸惡毒。悉皆消滅。是諸劫賊。悉令破散。是諸疫
毒。自得除滅。水火災患。自然止息。國界不安。當得安
貼。四夷歸奉。異國來朝。疾病速差。口舌磨滅。官事枷
鎖。速得解散。復連斷絕。魔邪不興。疫毒遠去。

爾時月光真人。又白。

天尊言。天下及諸方外國。時遭炎旱。如此苦惱。作何
法事。即得雨水調和。五穀令得豐熟。人民飽滿。

語
去聲

著
酌

為
去聲

天尊語月光真人曰。子受吾教。於閭浮之內。或在聚落。或在高山。或在水岸。或在洞穴。或在清淨之處。建立壇場。安置尊像。掛諸幡蓋。燒香然燈。香湯沐浴。著新淨衣服。轉讀此經。廣為衆生。設諸花菓名香。隨時供養。廣設齋饌。上獻十方無量天尊。三十六天帝君。天功父母。及諸神仙。一切龍神。及諸靈聖。作大利益。天帝當遣八部大龍王。雲雷雨師。興動雲霧。旋繞世間。須臾之頃。即令江河溪澗。上下田疇。咸得霽霈。草木叢林。一切花果五穀之類。悉皆生成。枝葉茂盛。於

是月光真人禮謝。

元始天尊以偈讚曰。

北雲曇曇至。西雲呼嘯來。南注江流水。東方九神靈。
中央真龍王。救濟諸衆生。五龍一時下。飄飄太上京。
天降開大雨。蔭蓋崑崙山。吾以此經教。永得世興行。
爾時月光真人重啟。

重
崇

種
上聲

天尊曰。我從無量劫來。希見難過。今日得聞微妙經。
典。及大醫王一切聖衆。種種變化。不可思議。是經當
何名之。我等如何受持。

天尊曰。此經名曰天功護國祈雨消魔經。子好宣傳。恭敬頂戴。若有愚人輕賤。當墮惡道。長夜受苦。坐中天人龍梵仙衆。皆悉信受。作禮而去。稽首奉行。

太上天功護國祈雨消魔經

終

